

AUGLÝSING

50

14. maí

um staðfesting dóms- og kirkjumálaráðuneytisins á samþykkt um breyting á lög-reglusamþykkt fyrir Reykjavík nr. 2 7. jan. 1930.

Samkvæmt lögum nr. 1 3. jan. 1890 sbr. lög nr. 67 28. nóv. 1919, lög nr. 88 11. júní 1938 og lög nr. 111 30. maí 1940, um lögreglusamþykktir fyrir kaupstaðina, er hér með staðfest eftirrituð

Samþykkt um breyting á lögreglusamþykkt fyrir Reykjavík.

1. gr.

Á eftir 1. mgr. 41. gr. samþykktarinnar komi ný málsgrein, svohljóðandi:
Sama gildir eftir því sem við á um sölustaði, þar sem seldar eru notaðar bifreiðir (bifreiðasölur).

2. gr.

Samþykkt þessi öðlast þegar gildi.

Þetta birtist hér með öllum þeim sem hlut eiga að máli.

Í dóms- og kirkjumálaráðuneytinu, 14. maí 1960.

Bjarni Benediktsson.

Gústav A. Jónasson.

REGLUGERÐ

51

8. apríl

um umferðarfræðslu í skólum.

1. gr.

Tilgangur umferðarfræðslu í skólum er:

1. Að gera nemendum ljósa þá hættu, sem af umferð stafar.
2. Að kenna umferðarreglur þær, sem gilda á hverjum tíma. Skal fræðslu hagað í samræmi við þroska hinna ýmsu aldursflokka nemenda.
3. Að kenna nemendum að fara eftir settum reglum og notfæra sér fræðslu samkvæmt 1. og 2. tölulið, þannig að þeir valdi ekki sér eða öðrum óþarfa hættu.

2. gr.

Á barnaheimilum, í leikskólum og smábarnaskólum skal börnum leiðbeint um einföldustu reglur, sem fótgangendum ber að fylgja í umferð, eftir því sem við verður komið.

Fræðslan skal einkum beinast að því, að börnin fái hugmynd um þá varúð, er þeim ber að sýna, þegar þau eru á ferð eða að leik á almannafæri.

Forráðamönnum stofnana þeirra, sem að framan greinir, ber að sjá þeim fyrir nauðsynlegum gögnum til kennslunnar.

B 16

51

8. apríl

Í barna- og unglingaskólum skal umferðarfræðsla vera einn þáttur skyldu-námsins.

4. gr.

Umferðarfræðslu barna á aldrinum 7—9 ára annast bekkjarkennari þeirra, eða sá kennari, sem skólastjóri kveður til.

Fræðslan skal fara fram bæði innanhúss og utan.

Innanhúss skal umferðarfræðsla samtvinnuð öðrum námsgreinum, eftir því sem hæfa þykir, en einkum þó kennslu í áttthagafræði, íslenzku, teikningu og leikfimi. Brýna skal fyrir börnum hættu þá, sem stafar af umferð, bæði almennt og sérstakar hættur í byggðarlaginu. Þeim skal gerð grein fyrir þeirri skyldu að sýna varúð og taka tillit til annarra, læra að þekkja helztu umferðarmerki, svo og kenndar helztu reglur um umferð fótgangenda.

Utanhúss skal fræðslan einkum beinast að því að kynna börnunum umferðarreglur, bæði á afmörkuðum svæðum og alfaravegum. Skal það gert munnlega og með æfingum.

Til umferðarfræðslu utanhúss skal verja nokkrum kennslustundum árlega og eigi færri en 6 stundir fyrir börn á 8—9 ára aldri.

5. gr.

Börn 10—12 ára skulu njóta kennslu í umferðarreglum og umferðarmenningu tvær kennslustundir á mánuði til jafnaðar á meðan skóli starfar.

Kennslu annast kennari, sem tekið hefur þátt í námskeiði til undirbúnings þeirrar kennslu, sbr. 9. gr. Sé ekki völ slíks kennara, skal kennslu þessa hafa á hendi maður, er fræðslumálastjóri telur til þess hæfan.

Kennslan skal vera bæði fræðileg og æfingakennsla, innanhúss og utan. Rifjað skal upp og æft það, sem þegar hefur verið lært í umferðarmálum. Auk þess skal kenna aðalreglur um umferð ökutækja, bæði vélknúinna og vélarlausra. Börnunum skal kennt að þekkja helztu umferðarmerki, þýðingarmestu sérákvæði um umferð í byggðarlagi, þar sem skóli er, og hvers gæta beri í sambandi við dýr á alfaravegum.

Við kennsluna skal nota myndir, bækur, áhöld og annað það, er að gagni má koma og völ er á. Leggja skal áherzlu á æfingakennslu úti við, eftir því sem kostur er.

Í kaupstöðum og annars staðar, þar sem löggæzlumanna er kostur, skal sérþjálfaður lögreglumaður eða bifreiðaeftirlitsmaður annast æfingakennslu utanhúss. Við kennsluna skal löggæzlumaðurinn vera klæddur einkennisbúningi sínum.

6. gr.

Nemendur, sem lokið hafa prófi úr 11 ára bekk og sýnt hafa sérstakan áhuga, árvekni, dugnað og hæfni á umferðaræfingum, skulu, ef þeir vilja og foreldrar samþykkja, vera kennurum til aðstoðar við umferðarfræðslu og stjórnna umferð innan skólalóðar eftir nánari ákvörðun skólastjóra.

Þeim nemendum, sem falin eru störf samkvæmt 1. mgr., skal fengið einkenni, er þeir beri vinstra megin á brjósti, hvítt belt og axlarband. Þessi auðkenni skulu nemendur bera, þegar þeir eru að skyldustörfum og aðeins þá. Auðkennin eru eign skólans og skulu geymd þar.

7. gr.

Í unglingaskólum, miðskólum og gagnfræðaskólum skal fara fram umferðar-kennsla í 1. og 2. bekk.

Kennslu skal hagað líkt og um getur í 5. gr., en námsefnið aukið. Sérstaklega skal á það lögð áherzla, að nemendur þekki meginreglur umferðarlaga og reglugerðar um umferðarmerki.

Ef aðstæður leyfa, skal nemendum kenndur akstur og meðferð reiðhjóla og dráttarvéla, en annars leiðbeint um það. 51

Fyrir lokapróf skyldunáms skal unglingum fenginn leiðarvísir í umferðarmálum, sbr. 1. mgr. 82. gr. umferðarlaga nr. 26 1958. 8. apríl

8. gr.

Við brottfararpróf úr barnaskólum í kaupstöðum og annars staðar, þar sem því verður við komið, skulu nemendur ganga undir umferðarpróf. Einnig skulu nemendur í 2. bekk þeirra skóla, sem um getur í 7. gr., ganga undir umferðarpróf. Skólunum skulu send prófverkefni hverju sinni. Gefa skal einkunn við prófið.

9. gr.

Í Kennaraskóla Íslands og Íþróttakennaraskóla Íslands skal umferðarfræðsla vera skyldunámsgrein.

Halda skal námskeið fyrir þá kennara, sem réttindi vilja öðlast til að kenna börnum og unglingum umferðarmál. Þeir sem sótt hafa slík námskeið og sýnt, að þeir séu hæfir til kennslu, skulu öðrum fremur hafa hana á hendi.

Námskeiðin skulu haldin, þegar þurfa þykir, og skal fræðslumálastjóri hafa yfirumsjón með þeim.

10. gr.

Ríkisútgáfa námsbóka lætur gera námsbækur í umferðarmálum, er hæfa þeim aldursflokkum, sem námsskyldu hafa samkvæmt reglugerð þessari.

11. gr.

Menntamálaráðherra getur, ef þörf þykir, ráðið sérfróðan mann um stundarsakir til þess að hafa umsjón með umferðarfræðslu í skólum landsins í samráði við fræðslumálastjóra og til þess að stjórna námskeiðum samkvæmt 9. gr.

12. gr.

Reglugerð þessi, sem sett er samkvæmt heimild í 83. gr. umferðarlaga nr. 26 2. maí 1958, öðlast gildi þegar í stað.

Menntamálaráðuneytið, 8. apríl 1960.

Gylfi Þ. Gíslason.

Birgir Thorlacius.

REGLUR

Rithöfundasambands Íslands um hagsmunagæzlu fyrir rithöfunda og aðra eigendur ritréttar.

1. gr.

Rithöfundasamband Íslands gætir hagsmuna íslenzkra og erlendra rithöfunda og annarra eigenda ritréttar að því er varðar flutningsrétt á ritverkum, þýðingar-rétt, endurprentun ritverka í blöð og tímarit og rétt til vélrænnar upptöku.

2. gr.

Sambandið hyggst ná tilgangi sínum skv. 1. gr. með því að semja við Ríkisúttvarpið og aðra aðila um gjöld fyrir opinberan flutning ritverka og vélræna upp-